

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON / KANTON SREDIŠNJA BOSNA
KANTONALNO TUŽILAŠTVO / TUŽITELJSTVO TRAVNIK

Broj: T06 0 KT0V 0026100 19

Travnik, 29.11.2021.godine

KANTONALNOM SUDU U NOVOM TRAVNIKU

Na temelju odredbe članka 45 st. 2 točka i) i članka 241 st. 1 Zakona o kaznenom postupku Federacije Bosne i Hercegovine, podižem

OPTUŽNICU

Protiv:

1. **Ferald Gućanin Gazibarić** rođen 1971. godine.
2. **Oliver Sivonjić zvani** rođen 1970.godine.
3. **Dalibor Ivančević**, rođen 1975. godine.

Što su:

Po prethodnom dogovoru u vremenskom periodu od 13.04. do 15.04.2011. godine otputovali u Republiku Austriju gdje su se sastali sa osuđenim Selverom Marhoševićem i Bojanom Pavlovićem i zajedno sa njima formirali grupu ljudi od najmanje pet osoba, kao udruženje za povremeno činjenje kaznenih djela u smislu odredbe članka 2 stavak 16 i 19 Kaznenog zakona Federacije Bosne i Hercegovine, sa namjerom izvršenja kaznenih djela propisanih Kaznenim zakonom Federacije Bosne i Hercegovine, koja grupa je, u namjeri pribavljanja protupravne imovinske koristi za svoje pripadnike i druga lica, djelovala na teritoriji Republike Austrije u periodu od 15.04. pa do 21.04.2011.godine, i to na način da je svatko od pripadnika grupe po prethodnom međusobnom dogovoru davao svoj doprinos izvršenju kaznenih djela, pa su tako:

U noći 20./21.04.2011.godine, u namjeri pribavljanja protupravne imovinske koristi, nakon što su od NN osobe dobili informaciju da se u kući, koja se nalazi u gradu Grosau Republika Austrija čiji je vlasnik E. F., u sefu nalazi veća količina gotovog novca i zlatnog nakita, u namjeri da iz te kuće upotrebom sile protupravno prisvoje novac i zlato, vozilom marke Mercedes Benz 211, registarskih oznake *** kojim je upravljao Ferald Gućanin Gazibarić i sa pripremljenim ručnim alatom za obijanje dovezli se do navedene kuće ispred koje su po prethodnom dogovoru iz vozila izašli Selver Marhošević, Bojan Pavlović, Oliver Sivonjić i Dalibor Ivančević, dok je Ferald Gućanin Gazibarić ostao kod vozila i čuvao stražu pazeći da tko ne naiđe, nakon čega su Selver Marhošević, Bojan Pavlović, Oliver Sivonjić i Dalibor Ivančević prišli kući kojom prilikom je Dalibor Ivančević podesnim sredstvom napravio otvor na staklu prozora a zatim upotrebom žice otvorio prozor kuće kroz koji su sva četvorica ušla u kuću te po istoj vršili premetačinu kako bi pronašli novac i zlato, pa kada su u jednom trenutku na krevetu zatekli oštećenu E. F. rođenu **, **, ****, koju je buka probudila, u namjeri da istu spriječe da pozove pomoć i na taj način ih omete u pronalaženju i prisvajanju novca i zlatnog nakita, istoj je prvo prišao Dalibor Ivančević i pertlama za cipele vezao ruke, a platnenom krpom vrat i usta, a Bojan Pavlović vezao noge, potom istu pokrili sa više deka, nakon čega su nastavili preturati po kući kada su pronašli sef i ključ od istog, otvorili sef i iz

istog oduzeli i prisvojili zlatni nakit i novac u neutvrđenom iznosu, potom napustili kuću i sjeli u vozilo sa kojim su došli i napustili lice mjesta, ostavivši oštećenu E. F. koja je bila starije starosne dobi, vezanih ruku i nogu i sa vezanom krpom preko usta i pokrivenu sa više deka, svjesni da uslijed toga kod oštećene može doći do gušenja i smrti i pristali na to, što je i dovelo do smrti oštećene izazvane gušenjem.

Čime su počinili kazneno djelo Udruživanje radi činjenja kaznenih djela iz članka 340. stavak 1. u vezi sa kaznenim djelom Razbojništvo iz članka 289. stavak 3. u vezi sa stavkom 1, a sve u vezi sa člankom 31. Kaznenog zakona Federacije Bosne i Hercegovine.

KANTONALNA TUŽITELJICA